

**Muhyiddin Arah Kementerian Pendidikan Siasat Dakwaan Murid Makan Di Tandas
Bernama
23 July, 2013**

KUALA LUMPUR, 23 Julai (Bernama) -- Tan Sri Muhyiddin Yassin mengarahkan Kementerian Pendidikan menjalankan siasatan berhubung dakwaan murid di sebuah sekolah rendah dipaksa makan di dalam tandas.

"Saya telah mengarahkan KPPM untuk siasat isu pelajar bukan Islam yang disuruh makan di dalam tandas. Tindakan tegas akan diambil jika ada asas," kata Timbalan Perdana Menteri yang juga Menteri Pendidikan di laman Twitter Selasa.

Beberapa gambar tersebar di laman sosial hari ini yang memaparkan sebilangan murid yang dikatakan bukan beragama Islam berada di sebuah bilik menyerupai bilik air, dengan botol air dan bekas makanan berada di atas sebuah meja.

Timbalan Menteri Pendidikan II P. Kamalanathan berkata kementerian telah mengarahkan Bahagian Pengurusan Sekolah Harian (BPSH) supaya memindahkan tempat makan sementara Sekolah Kebangsaan Seri Pristana, Sungai Buloh, ke tempat lebih bersih dan munasabah memandangkan kantin sekolah tersebut sedang dibaik pulih.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=965511>